

THE NATIONAL UNIVERSITY OF LESOTHO  
FACULTY OF HUMANITIES  
DEPARTMENT OF AFRICAN LANGUAGES AND LITERATURE

---

B.A & BED 2<sup>ND</sup> SEMESTER EXAMINATIONS

ALT 3306: CREATIVE WRITING 1

MOTŠEANONG 2023

LINEPO 75

NAKO: LIHORA TSE THARO

**LITEMOSO:**

- Araba lipotso tse **tharo (3)**.
- U ka qala ka potso ea khetho ea hao, empa likaroloana tsa potso li se lobokanngoe.
- Se fetole mokhoa oo lipotso li nomoriloeng ka oona
- Liphoso tsa ngolo le bohlasoa li tla tlosetsoa linepo
- Ela hloko hore kamor'a lipotso ho qhoaeletsoe Thothokiso e tla u thusa ho araba potso ea bone

### POTSO EA PELE

a) Tšohla phapano lipakeng tsa Lingoloa tsa boiqapelo (Creative Writing) le Tlaleho (Reporting) u ipapisitse le lintlha tse latelang;

- i) Tšebeliso ea puo (5)
- ii) Maikutlo a sengoli (5)
- iii) Lietsahala (5)

b) Ka lintlha tse **pele** (2), hlalosa lingoloa tsa nalane (History Writing) (10)

[25]

### POTSO EA BOBELI

Seka-seka lintlha tse '**ne** (4) tse khethollang thothokiso ho mefuta e meng ea lingoloa

[25]

### POTSO EA BORARO

Bontša kamoo lintho tse latelang li hahlametseng thothokiso ea Sesotho kateng;

- a) Lithoko (lintlha tse tharo) (15)
- b) Lithothokiso tsa Senyesemane (Lintlha tse peli) (10) [25]

### POTSO EA BONE

Bala thothokiso e qhoaeletsoeng u ntan'o araba lipotso tse latelang

- a) Ho ea ka Ramone, mathata a mahlano a ileng a tlišoa ke lehloa la 1987 ke afe? (15)
- b) Bontša na thothokiso ena ke mefuta ofe oa thothokiso, tšehetsa karabo ea hau ka mabaka a hlakileng (10) [25]

## Lehloa la 1987

Ha u tšaba u tšabe lehloa sebata,  
Lemo ke sona sa sekete hantle,  
Khoho a robong, shome a robeli,  
Metso e supile leholimo rare,  
Khoeli ke ea Mphalane ho toloka.

Ha u tšaba u tšabe lehloa sebata,  
Ha na ha hlaha moea Boroa koana,  
Moea oa hlaha o hloentse hampe,  
Moea o foka mokhoa o sele tjee,  
Ka mokhoa o sele ra hlolloa batho.

Ha u tšaba u tšabe lehloa sebata,  
Holimo la apara kobo e ntle,  
Fitori la phahamela lefaatše,  
La sothahana holimo sebakeng,  
Moea oa le tsukutlaka sebakeng.

Ha u tšaba u tšabe lehloa sebata,  
Bosiu ha ke ea sakeng ka fahloa,  
Ka fahloa ke lephelepele mahlong,  
Rurubele tse tšoeu tsa leholimo,  
Tsa theoha li hlile li potlakile.

Ha u tšaba u tšabe lehloa sebata,  
La hakala joalo ho se le libeso,  
Tau ea hlaha tsome ho qhanolotsoe,  
Ea hakala joalo bosiu ho pota,  
Bosiu ba sa phofo e le thekeng.

Ha u tšaba u tšabe lehloa sebata,  
Phoofolo tsa ema ka saka bothata,  
Phoofolo tsa khotsa lehloa bongata,  
Li ntse li tsitsinya lihlooho khafetsa,  
Ena ntho ke nalane ka Lesotho.

Ha u tšaba u tšabe lehloa sebata,  
Ka meraka ha utloahala letsapa,  
Lishoai tsa fella bana ba batho,  
Metjoli e pateletsoe lihlabeng,  
Ke libochoa ka Makheka lihlabeng.

Ha u tšaba u tšabe lehloa sebata,  
'Muso oa phalla ka lihlabeng,  
Oa phalla ho pholosaka maphelo,  
Roala-nkhoana sa pota Kepising,  
Sa potoloha ka Sane lihlabeng.

Ha u tšaba u tšabe lehloa sebata,  
Balisana motsamao o mong qha!  
Motsamao ke oa pitsi e pannoe,  
Ha nonyan'a tšepe e fihla ke sono,  
Ka bona ka metjoli ho khafutsaka.

Ha u tšaba u tšabe lehloa sebata,  
Likhutšoane, pokola, khomo ho shooe,  
Mehlape ea shoela sakeng sehloho,  
Ea shoa qhobololo sa litsienyane,  
Ruo la fela ka tsatsi le le leng.